

Willem de Vink tjhaapa banaais hai

JIESOE MASIEH

Doenia bhar ke sab se barhia kaahaanie




WILLEM DE

KOETJH BAAT KE MATLAB:




AASIER BAAT DEWE ke matlab hai kie koi doesare khaat Parmeswar ke bhalaai maange hai. (panna 10-11).



BIESWAAS KARE ke matlab hai kie koi diel bhar se bharosa kare hai kie Parmeswar aapan baat aur waada hardam poera kariega. (panna 58).



DJIE OETHNA ke matlab hai kie Prabhoe Jiesoe maral manai me se djie oethal hai. Ek dien sab manai djie oethiega. Tab Parmeswar har ek ke oeppar faisala kariega kie oe swarag kie to narak me djaaiiga. (panna 53-57).



JIESOE ke naam ke matlab hai: 'Parmeswar batjaawe hai.'



KROES doeit baarkie hai ek manai ke epar thokke maar dhaare khaatien. Jiesoe ie rakam se maar dhaaral gail. Iesaai logan khaatien kroes ek tjienha hoi gail hai. (panna 25, 50).





LAUTNA ke matlab hai kie ek dien Prabhoe Jiesoe lautke aaiga sab manai ke oeppar faisala kare. Ekare baad Parmeswar naawa doenia aur swarag banaaiga aur sab tjiedj badal djaaiiga. (panna 57).

MASIEH ek Hebar ke bhaasa ke baat hai. Griek ke bhaasa me ie baat Kriest hai. Ekar matlab 'tel se lagaawal waala Raadja' hai. (panna 52, 55).

PAAP ke matlab hai kie koi Parmeswar ke man waala tjhorka aapan man waala kare hai. Aisane ek ienzaan na hoiga djaise Parmeswar maange hai. (panna 4).

PAASAN KE TIEWHAAR par iesaai logan Jiesoe ke djie oethna manaawe hai. Ohie tem me Jehoedie logan Paska ke tiewhaar manaaikae jaad kare hai kaise Parmeswar oesabke baap-daada logan ke Egypte des ke goelaamie me se tjhoraais hai. (panna 38-54).



PARMESWAR KE BETA Prabhoe Jiesoe ke ek naam hai. Oe Parmeswar hai aur bhie ienzaan ghat doenia me paida bhail.

PARMESWAR KE POESTAK me liekhal hai Parmeswar kaise manai logan ke biese me sotje hai aur oelogke sanghat kare hai.

PARMESWAR KE RAADJ dekhaawal dja hai djab koi Parmeswar ke baat soene hai. Oe Parmeswar ke aapan Raadja ghat maane hai.

PAWIETR AATMA Parmeswar ke Aatma hai aur manai log ke diel me rahe hai djaun Jiesoe ke rasta par tjale hai. (panna 58).

PRAATNA KARE ke matlab hai kie toe djor se kie to aapan diel me Parmeswar se batia hai aur soene hai oe tor diel me ka bole hai. (panna 18, 19, 42).


PRABHOE KE BHODJAN ke matlab hai kie Jiesoe ke tjela logan bret aur wien khaai pieke okar maut aur djie oethna manaawe hai. (panna 41).

SABAT KE DIEN hpta ke satwa dien hai. Ie soestaa ke dien hai. Jehoedie log khaatien mienaahe hai koetjh kaam kare ke.

SAITAAN parie ghat banaawal gail hai. Tab thetharai karke oe Parmeswar aur ienzaan logan ke doesman hoi gail hai. Oe na dekha hai. Oe bhie 'raakas' kie to 'raatjhat' bolaawal dja hai.

SWARAG KE PARIE LOG Parmeswar ke kamkartan hai. Oesab aatma hai, na dekha hai, bakie apne ke dekhaai sake hai. (panna 5).

TJHAMA paawe ke koi ke hak na hai. Tabbo djab koi sattje ke aapan paap pasta hai, tab Parmeswar paap ke tjhama kare hai. Jiesoe hamlogke darie par sadja paai tjoekal hai, ohie se Parmeswar paap ke tjhama kar sake hai. (panna 58).



JIESOE kaun tem me doenia par rahat raha


Hamlog sab baries gieniela djab se Jiesoe paida bhail. Oe tem me manai log gore gore tjalat raha, kie to gadaha, oet aur ghora par safar karat raha. Dher djaaties log na djaanat raha liekhe parhe ke, bakie Israël des me dher manai djaanat raha. Oesab 'poestak ke djaaties' bolaawal dja hai.

Oe poestak Parmeswar ke poestak hai. Oe sab tjiedj banaais hai. Aur oe maange hai har ek manai ke sanghatia howe. Prabhoe Jiesoe ie baat siekhaawat raha!

JIESOE MASIEH ke hai?

Lagbhag 2000 (doei hadjaar) baries pahiele Jiesoe Israël des me paida bhail raha. Hamlog oke Jiesoe Masieh, kie to Jiesoe Kriest bolaaila. Ekar matlab hai kie oe Raadja hai. Bakie oe aisan-taisan raadja na hai. Oe bhi 'Parmeswar ke Beta' aur 'Iensaan ke Beta' bolaawal dja hai. Ekar matlab hai kie oe Parmeswar ke aur bhi ienzaan logan ke sanghat kare hai. Parmeswar ke poestak me liekhal hai kaise oe doenia me rahat raha. Doenia bhar me ie sab se barhia kaahaanie hai!





ISRAËL des kaise raha djab JIESOE hoewa rahat raha

Sab se barka sahar Jeroesaalem raha.

Des ke tiengo diehaat Gaalielea, Saamaaria aur
Joedea raha.

Israël des lagbhag atthaais hadjaar
(28.000) km² barka hai.

Tiersath (63) baries Kriest paida howe se
pahiele Roma des ke manai log Israël logan ke
djiet leis raha aur oelogke oeppar raadj tjalaawe
lagal. Djab Jiesoe barka bhail raha, tab laat

Pielatas Israël des me raadj tjalaawat raha. Okar
barkwa Roma ke maahaaraadja Tieberias raha.
Jehoedie log Jeroesaalem sahar me Parmeswar
khaatien ek mahal banaais raha. Hoewa par dharam ke
agwa log kaam karat raha.

Fariesie logan bhaktie manai log raha. Oelog djaatie
log ke Parmeswar ke baat siekhaawat raha.

Jehoedie logan ke bhaasa Hebar ke bhaasa hai. Oe tem
me dher manai bhe koetjh Griek aur Roma ke bhaasa
(Latijn) batiaat raha.

Des ke bietj me
samoendar

GAALIELEA

Kaapernaum

Naasaaret

Gaalielea
samoendar

SAAMAARIA


Jordaan

Jeroesaalem

JOEDEA



Kaahe khaatien etana dher manai
nadie ke lage djoete hai?



Aapan djewan
badal de!



Parmeswar ke faisala manai log ke
oeppar ek taanga ghat hai. Aur
taanga per lage thariaawal hai.




Har ek per djaun barhia phal na
dewe hai, oe kaatke aagie me phek
dewal djaaiga.

Tab hamlog sab koi kaatal djaabe! Ke
aapan djewan ekdam attjha se bietaai
sake hai?


Ie baat satj hai! Parmeswar sab koi
ke oeppar faisala kariega. Bakie
hamare baad koi aaiga aur oe manai
ke diel badal sake hai.



Apene ke kasoer de kie toe
attjha manai na baate. Djab
toe maange hai ab se ek
naawa rakam djewan
bietaawe, tab dopoe le!





Ie rakam se toe dekhiae kie toe
sattje ke maange hai ek naawa
rakam djewan bietaawe.



Partjaar kare waala ke naam 'Johaanas
Dopoe kare waala' hai.

Ham koetjh na baatie.
Ham khaalie bataaila kie
koi aaike samdjhaaiga
Parmeswar kaise hai. Oe
manai log ke Parmeswar
ke Aatma aur aagie se
dopoe kariega oelogke diel
ekdam badale khaatien.

Tab ...




Hamke tjaahie
tose dopoe
karwaawe ke.

Tab swarag me se ek aawaadj
soenaail ...


HA! Toe
hamaar pjaara
Beta baate, toe
hamme bahoet
parsand howe
hai!



Pieta djie, ham
praatna kariela kie
aapke Raadj aawe
aur kie sab koi
aapke naam
pawietr maane!



Djab Johaanas dopoe kare waala Israel des me partjaar kare lagal kie Masieh aawe hai, tab na dher dien pahiele oesab soeroe karies raha baries giene ke. Oe tem me Israel des barka Roma ke raadj me khaalie ek tjhota toekkara raha.



Jordaan nadie ke lage Johaanas dopoe kare waala Jiesoe ke dekhaaike bolies:

Dekh, oe Parmeswar ke bhera ke Battja ghat hai. Oe doenia bhar ke manai log ke paap hataaiga.




Hoewa par oe tjaalies rodj rahat raha. Oe koetjh na khaais pies. Rodja kie to bhoekha rahe aur praatta kare ke dwaara oe euro samdjh gail oke kaun kaam kare ke tjaahie.



Oke djiet lewe khaatien Jiesoe ke tjaahie dekhaawe ke kie Parmeswar maange hai manai logan ke maut ke moeh se batjaawe.

Oke tjaahat raha Saitaan ke djiet lewe ke. Saitaan to andhiaar ke raadj tjalaawe waala aur Parmeswar ke doesman hai. Oe khaalie maange hai sab koi ke aur sab koetjh naas kare.



Tab Saitaan sotj leis oke bahakaawe khaatien.

Djab toe Parmeswar ke Beta baate, tab oe patthar se bol kie bret hoi djaai.

Na! Parmeswar ke poestak me liekhal hai kie ek iensaan na khaalie khaaik se djiega, bakie bhie Parmeswar ke sab baat dwaara.

Parmeswar liekhwaais hai kie okar parie log toke haath par rok leiga.
Djab toe Parmeswar ke Beta baate, tab hia se koed.

Dekh! Ham toke doenia par sab saktie dei deb djab toe aapan gaathie par gierke hamme poedjiehe.


Saitaan oke tjhorke tjal gail. Tab swarag ke parie log aaike Jiesoe ke sewa kare lagal.

Na! Bhie liekhal hai kie:
Parmeswar tor Prabhoe hai.
Ohie se oke na adjmaaw.



Na! Parmeswar ke poestak me liekhal hai kie oe tor Prabhoe hai, toe khaalie okar poedja kar. Saitaan, toe hia se tjal dja!

Djab Jiesoe Gaalilea diehaat me lautke gail, tab oe pawietr Aatma se bharal raha. Oe diehaat me dher manai rahat raha aur oe hoewa par barka bhai raha. Rasta me koetjh manai okare sanghe tjale lagal. Parmeswar ke pahiela ke sanesian liekhies raha kie ek dien Masieh aaiga. Ab oesab maangat raha djaane kie Jiesoe Masieh hai kie na.

Gaalielea diehaat Kaana sahar me ekgo biaah raha.



Jiesoe aur okar maai aur tjela log bhide
nauta paais raha.




Tab nauta karat me ...

Tjaahé djaun
kaam Jiesoe
toelogse bolie
kare ke, oe kar.

Are! Wien don
hoi gail!

Sab googliet paanie se bhar deihe.
Tab koetjh niekaarke bhandaara ke
dei deihe tjiekhe khaat.



Tjiekh le. Ka, toe kaahe ke
sab se attjha wien ab
talak loekwaile rahiele?

Paanie? Ie to wien hai!
Bahoet mietha wien hai!

?

Ham aisan barhia nauta kabhie na manailie hai. Paanie
wien hoi gail hai! Sab se attjha wien!

Naasaaret ke Jiesoe
ie kaam karies hai!

Oe ke
hai?

Kaapernaum sahar Gaalielea ke samoendar lage raha. Hoewa par dher matjharmhaar rahat raha. Tab Jiesoe manai log se Parmeswar ke Raadj ke biese me batiaai lagal.



Aur hia par Jiesoe aapan pahiela tjela log ke tjoenies.



Petras, aaw hamlog gahiera paanie me djaab. Hoewa aapan djaal bieg de.




Maastar djie, hamlog raat bhar bahoet kausies karlie aur koetjh na pailie.




Bakie tor baat soenke hamlog djaal biegab.



Dekh! Ketana matjhrie!












Jiesoe aapan tjela log ke leike Gaalielea diehaat bhar me tjalat djaat raha. Oe Parmeswar ke Raadj ke biese me bataawat raha aur har ek rakam bemarian ke attjha karat raha aur bhoet log ke niekaarat raha. Manai log atjambho hoi gail aur okar paatjhe tjale lagal. Oesab doesar diehaat aur Jeroesaalem sahar me se aaike bahoet maangat raha okar sab partjaar soene.



Soekhie hai djab toelogke diel bhoekh se rahe hai. Parmeswar toelogke diel bhariega.





Ek dien Kaapernaum sahar me dher manai oe ghar
lage djoetal djaaha Jiesoe rahat raha.

Hamlog
bhiettar na
djaai paabe.

Ka howe hai?

Rahen de. Ie mardaana log
ke bieswaas hai!

Tab sierhie par se
plaata tjhat par dja.

Beta, tor paap ke
tjhama hoi gail.

Are, toe soenle?

Ie aadmie
Parmeswar ke
bedjati kare
hai.


Khaalie
Parmeswar to
paap ke tjhama
kar sake hai.

Ham bol sakiela: 'Toke paap ke
tjhama miel gail hai,' aur bhie:
'Oethke tjal!' Kaun tjiedj auro
sahadj hai?

Hamke saktie hai paap ke tjhama
kare ke. Ohie se ham boliela: 'Oeth!
Aapan tjataai leike tjal!'



Bakie na sab koi khoesie hai.
Dharam ke barkwan khoeb thiiek se
taakat raha kie Jiesoe kaanoen par
tjale hai kie na. Israel des me
sabat ke dien par mienaahe hai
koetjh kaam kare ke.




Aapan haath barhaaw.

Dekh! Ham attjha baatie!

Hamlogke tjaahie Jiesoe ke maar dhaare ke.


Jeroesaalem ke barkwan ke tjaahie djaane ke kaise oe djaatие logan ke bahakaawe hai.

Tab Jiesoe hoewa se tjal gail. Oe aapan tjela log ke sanghe bot me gail samoendar par tjal gail.












Tjoep!








Tab sabhan samoendar paar karke ekwa kait pahoetj gail. Tab pahaar par ...

RAAAAHH!








Tomaas aur Mateas. (Mateas pahiele Roma logan khaat kaam karat raha.)




Tadeas aur ekwa Jaakobas,



Siemon kamaasoet waala aur Joedaas Eskaariot.




Dja sagaro khoes khabar ailaan kare. Tab dje toelogke baat bieswaas karie, oe hamke apana lei, aur bhie oke bieswaas karie djaun hamke pathaais hai.




Ie djanta log djaise pakkal dhaan ghat hai, bakie oelog Parmeswar khaat batore ke kamkartan kamtie hai. Ose praatna kar kie oe kamkartan ke bhedje ie kaam kare khaatien.

Koetjh dien baad baara tjela log khoesiaalie me lautke aail. Tab Jiesoe maangies oelogke sanghe akel rahe. Bakie ek djhoend manai log oelogke paas aail.



Jiesoe partjaar karat raha aur bemarian ke attjha karat raha. Tab sandjha hoi gail ...



Doei sau tjaanie ke paisa etana dher manai log khaatien na atiega.


Ecko larka hia hai aur oke paatj bret aur doei matjhrie hai. Bakie auro na hai.

Manai log ke patjaas patjaasgo ekattha baithaai de.




Tab oe Parmeswar ke dhanbaad deis ...


Aur bret aur matjhrie toekkara toekkara toerke tjela log ke deis baate khaatien.



Hoewa ekaad hadjaar manai raha
aur sab koi pet bharke khaais.



Hamlog djhoend ke ghare pathaabe. Toelog
bot me djaaike habara katiehe. Ham hia
pahaar par djaabe praatna kare.



Ekare baad ...

**Waaaah! Bhoet
aaawe hai!!**

Na dera! Ham
baatie!



Prabhoe djie, djab toe
baate tab hamke
hoekoem de paanie par
tjalke tor paas aawe ke.

Aaw!

Prabhoe, hamme
batjaaw!

Petas, toe kaahe ke
doebdhā kare lagale?

Koetjh manai log maangat raha Jiesoe ke raadja banaawe. Oesab sotjat raha kie oe Roma ke soerdjaatie log ke des me se khader dewat. Bakie ie okar kaam na raha. Ohie se hardam auro manai log okar doesman hoi gail. Oelog oke na maangat raha aur kausies karat raha oke naas kare ke.




Hardam auro manai Jiesoe ke dekhke djarat raha. Oe Gaalielea diehaat me se tjal gail. Koetjh mardaana aur aurat log ke leike oe gail doesar diehaat me partjaar kare.

GAALIELEA

ISRAEL

Ekare baad oe Jeroesaalem ke paas tjale lagal.




Tab rasta me ...

Manai logan bole hai kie ham ke baatie?

Oelog bole hai kie toe Parmeswar ke ek sanesia baate.

Aur toelog ka bole hai?


Toelog sotje hai kie ham ke baatie?







Toe Kriest, jaane djienda Parmeswar ke Beta baate!



Koi se na bataihe kie ham Kriest baatie. Hamke tjaahie Jeroesaalem me djaai ke bahoet doekh oethaawe aur mare khaatien. Bakie tiesara dien ham maut me se djie oethaawal djaab.






Israel des me dher korhia ke bemarian raha. Oesab ekwa manai log ke sanghe na rahie sakat raha.









Djab oelog rasta me doesar manai ke dekhies, tab oelogke tjaahat raha djor se bolaawe ke:

**'KORHIA!
KORHIA!'**



He Jiesoe! He maastar dje!
Hamlogke daaja kar!






Dharam ke barkwan
aapan kamkartan ke
pathaais Jiesoe ke bhet
lewe khaatien. Okar kaam
oesabke tanko na attjha
lagat raha.


Oe baimaan djoetie ke paisa lewe waalan aur
tjhatjhoendar aurat log ke sanghatia hai.

Masieh to aail hai
bhatkal waalan ke khodje
aur batjaawe.




Jiesoe bemarian ke attjha karat raha
sabat ke dien par.


Attjha how!



Aur oe larkan ke tjaahat raha.



Betaania gaaw me ekgo Laasaaras naam ke aadmie rahat raha. Oe aur okar doe bahien Jiesoe ke sanghatian raha. Tab djab Jiesoe gaaw ke nagietj pahoetjal, tab soenies kie Laasaaras ke mattie parle tien rodj bhaiil hai.



Djab toe hia rahiete, tab hamaar bhaai na marat.

Maarta, tor bhaai phien se djie oethiega.



Djie ha, ham djaaniela kie doenia ke antiem dien par oe bhie djie oethaawal djaaiga.

Ham djie oethaawe Waala aur sattja djiewan baatie. Dje hamare me bieswaas kare hai, oe hardam khaatiен aapan djiewan Parmeswar ke sanghe bietaaiga. Maarta, toe ie baat bieswaas kare hai kie na?


Djie ha, Prabhoe, ham bieswaas kariela kie toe aane waala Kriest hai djaun doenia me aawat aur toe Parmeswar ke Beta baate.

Toelog oke kaaha dharle hai?

Prabhoe, tjal dekhe.



Dharam ke barkwan hardam auro ghoermoesaat raha kie
etana dher manai Jiesoe me bieswaas kare hai.



Oe aadmie atjambho
kaam kare hai.

Djab hamlog oke sab tjiedj karan debe tab Roma ke
soerdjaatie log aaike hamlogke dardja tjhien lei.




Ha, oesab hamlogke djaatie aur
Parmeswar ke mahal naas kar dei.

Aapan magadj kaam me laaw.
Bestar rahie kie ek djane mare aur
na sab djanta naas howe.

Tab ie Jiesoe ke
tjaahie maar
dhaaral djaai ke.

Oe rodj se dharam ke barkwan ekgo
mauka khodje lagal oke Roma log
dwaara marwaawe khaatien.
Khaalie oelogke hoekoom raha koi ke
maar dhaare ke.


Etane me Betaania gaaw me manai
log mautj manaawat raha.







Paasan ke tiewhaar naktjaail raha. Dher manai Jeroesaalem sahar me gail.




Tjaahe barkwan kausies karat raha Jiesoe ke pakare ke, tabbo oe bhie sahar me gail.



Manai logan tjiellaaike
okar aadar karies.



Jeroesaalem sahar me Parmeswar ke mahal sab se pawietr djagaha raha.



Paasan ke tiewhaar manaawe khaatien dher bhera ke battja djaba karal gail.



Har ek djanaawar ke ek toekkara mahal ke angana me baliedaan karal gail Parmeswar ke aage paap ke tjhama paawe khaatien.



Bakie ekko djanaawar ke dwaara iensaan logan ke paap ke tjhama na miel sahe hai.









Mahal ke angana par manai log kienat betjat raha aur paisa toeraawat raha.



Tab atjakke me Jiesoe aail ...







Paasan ke tiewhaar se pahiele
Jiesoe ekaad rodj mahal ke
angana me Parmeswar ke baat
partjaar karat raha. Dharam ke
barkwan kausies karat raha oke
rokaawe ke. Sandjha me Petras
aur Johaanas kaahoe gail Paasan
ke bhodjan tajaar kare ke.



Tab raat me Jiesoe aur ekwa tjela log bchie oe ghar me aail.








Ham bahoet maangat rahiie
hamaar doekh howe se pahiele
toelogke sanghe ie bhodjan kare.

Mantrie logan doesare ke
oeppar barkwa khele hai, bakie
toelogke tjaahie doesare ke
kamkartan bane ke.

Dje apane ke doesare ke
goelaam bane hai, oe sab se
barka waala rahie.



Ham ailie hai toelogke bietj me
goelaam ghat rahe.



Prabhoe, ham tose aapan
gor na dhowaai sakiela!

Djab ham tor gor na dhobe
tab toe hamaar koi na baate.

Tab hamaar haath aur
moerie bbie dhow!


Dje nahaaai tjoekte
hai, oke tjaahie
khaalie aapan gor
dhowaawe ke.


Toelog hamme 'maastar' aur
'Prabhoe' bolaawe hai, aur ham
ohie baatie. Aur djaise ham
toelogke gor dhoilie, oisane
tohoelogke tjaahie ek doesare
ke sewa kare ke.

Ham toelogse satj
boliela kie toelog me
se ek djane hamme
tjoegalie karie.

Toe hamme to
na bole hai?

Nahie!





Tab raat ke Jiesoe aur okar gjaara tjela log sahar se bahare gail. Joedaas oelogke sanghe na raha.

Ab ham dher dien toelogke saath na rahab. Tab Pieta Parmeswar pawietr Aatma ke pathaaiga toelogke hardam tieha dewe aur sahaaita kare ke.

Djaaha ham djaabe toelog rasta djaane hai.

Hamahie rasta, sattjaai aur djiewan baatie. Koi na Pieta Parmeswar ke paas djaai sake hai hamare biena.

Toelog hia par baith. Ham thora doer par djaaila praatna kare.

He Pieta djie, djab hoi sakie tab ie doekh hamse hataai de.

Tabbo hamaar man waala na kariehe bakie aapke man waala.

E bhaai log, soet gaile? Oeth, tjoegalie waala aawe hai. Tjalie dja okar lage.




Ham ose bheto karke tjoemma debe. Ohie ke pakariehe!

Toe kaise baate?


E Joedaas, toe Masieh ke tjoemma deike tjoegalie kare hai?

Prabhoe djie, ab hamlog aapan talwaar kaam me laai sakiela?



Na kar!

Djab Jiesoe pakaraail tab tjela log tjaaro or bhaag gail.



Tab doesman log Jiesoe ke sab se barka agwa ke paas legail.
Oe dharam ke sab se barka waala aadmie raha. Tab Petras
aur Johaanas doerie me oelogke paatjhe tjalal.



Tab ghar ke angana me Petras manai log
ke bietj me aagie lage baithal.



E bhaai, toe to Jiesoe ke
sanghe rahhiele?



Na, ham oke na
djaaniela.

Toe bhie oman ke baate.




Na, ham na baatie.

Ha, toe okar sanghe
rahhiele. Toe bhie Gaalielea
ke diehaat se aawe hai.

Ham na djaaniela kie
toe ka bole hai.





Tab oesab oke banhwaaike laat Pielaatas ke lage legail. Tab dharam ke barkwan djaatie log ke oeskaaike oke abdjas lagaawe lagal.



Toe na soene hai kie iesab
tore biese me ka bole hai?
Toe apane ke na batjaihe?




Toe kaun
kharaabie
karle hai?



Ham ailie hai
sattjaai ke biese
me ailaan kare.



Are, ke djaane hai kie
sattjaai ka hai?

Hamare dekhe me oe be-kasoer hai.
Attjha, tiewhaar me ham hardam koi
ke tjhorielia. Toelog maange hai kie
ham Israel ke Raadja tjhor dei kie
Baaraabaas ke?









Tab laat oesabke hawaale kar deis. Koi ke kroes par tjaharaawe bahoet kharaab rakam raha koi ke maar dhaar ke. Jiesoe ke ek toekkara baarkie dhowe ke paral. Oesab oke Jeroesaalem sahar me se legail.



Hoewa par djallaad logan maar dhaaral djaat raha. Oe djagaha ke naam Golgota raha. Ekar matlab 'khoprie' hai.



Etane me Joedaas aapan
tjoegalie pastaai lagat raha.

Ham paap
karlie.

Ham ek be-kasoerie ke
tjoegalie karlie hai.

Ose hamlogse koetjh
kaam na hai. Toe apane
djaan!



Soerdjaatie log doeigo daakoe ke Jiesoe ke agal-bagal
me ek ek kroes par bhie tjaharaai deis.

Pieta djie, hamaar
maare waalan ke
tjhama kar de. Oelog
to na djaane hai ka
kare hai.

Laat Pielaatas Jiesoe ke kroes par
tiengo bhaasa me liekwaais raha
kie: ISRAEL KE RAADJA JIESOE.

Jiesoe piersa khaatien dawaai
na maangies.


Tab soerdjaatje log Jiesoe ke
kapra khaatien djoewa khelies.



Apane ke batjaaw aur
hamlogke bhie
batjaaw!

Toe Parmeswar ke na dera hai?
Ham aur toe ie sadja paawe laaik
baatie, bakie ie aadmie
kharaabie na karies hai.

Jiesoe, djab toe aapan raadj me
djaihe tab hamke jaad kariehe.



Oe dien baara badje se tien
badje talak sagaro ekdam
andhiaar hoi gail.

Jiesoe ke maai aur okar ek tjela kroes
ke lage thara raha.

Ma, dekh ab
oe tor beta
hai.
Johaanas, ab
oe tor maai
hai.


Hamaar Parmeswar! Hamaar
Parmeswar! Toe hamke kaahe ke
tjhor deile hai?

Hamme pjaas
lagal hai.

Pieta djie, ham aapan praan
tor haath me saupiela.

Hamaar kaam
poera hoi gail!

Bas tien badje Jiesoe aapan praan tjhor deis. Tab ekgo soerdjaatie dhanoes leike okar padjarie me bhokies. Toerante khoen aur paanie niekare lagal. Ekar matlab raha kie oe mar gail hai.



Parmeswar ke poestak me liekhal hai: "Oe ek bhera ke battja ghat maar dhaaral gail."


Aur bhie: "Oe bhokal gail hamlogke paap khaatien." Ab oe mar gail hai.

Oe sattje ke aane waala Masieh raha kie na?



Aaw tjalie, hamlog laat se poetjhab kie hamlog okar mattie dei sakab.

Aariematea ke Josaf aur Niekodemas Jiesoe ke lahaas legail aur dawaai dharke kapphan me lapet deis. Tab pahaar ke kabar me dhar deis.




Tab djab sabat ke dien biet gail raha,
tab haptak ke pahiela dien par ekaad
aurat gail kabar lage.




Toelog kaahe ke djienda Waala ke
maral logan ke djagaha par
khodje hai? Oe djie oethal hai. Dja
okar tjela log se bataaw.



Tab djab Petras aur Johaanas
ie baat soenies, tab dhaurke
kabar lage gail.



Hia khaalie
kapphan hai!




Etane me khoelai kabar lage ...




Bahien, toe kaahe
ke rowe hai?



Koi hamaar Prabhoe ke
legail hai.



Maria!



Raboenie!!



Hamaar gor na pakar.
Dja hamaar bieswaasie
bhaai log se bataaw kie
ham halije aapan Baap
ke paas oepar djaabe.
Oe toelogke Baap aur
Parmeswar bhiie hai.



Ohie dien doeigo Jiesoe ke tjela rasta me koi se bhett karies. Oesab tjalte me Jiesoe ke maut ke biese me batiaat raha.

Toelog Parmeswar ke sanesian ke baat kaahe ke na bieswaas kare hai? Aapan biesaal soekh me bhiettar djaai ke Kriest ke to tjaahat raha ie sab doekh oethaawe ke. Aisane liekhal hai.

Tab djab oesab ghare me bret khaai lagal, tab atjakke me pahoena alop hoi gail ...

Ie to Jiesoe raha!

Oelog toerant ekwa tjela log ke paas gail.

Hamlog Prabhoe ke dekhlie!

Ha, Petras aur Maria bhiie.



Atjakke me ...

Sjaantie se rahoee.

Toelog kaahe ke doebdhya kare hai? Dekh hamaar haath aur gor, ham ohie baatie.


Aap hamaar Prabhoe aur Parmeswar baato!

Tjaalies rodj Jiesoe apane ke
aapan tjela log ke dekhaat raha.
Ek daafe 500 manai oke dekhies.
Ek dien koetjh tjela log gail
matjharie pakare ...



Petras, toe hamme sattje ke tjaahé hai?

Jiesoe Petras se ie baat tien daafe poetjhies.



Prabhoe, toe djaane hai kie ham toke pjaar kariela.

Tab hamaar bherwan, jaane tjela log ke dekh-bhaal kariehe.

Hamaar rasta par tjalte rahoe.

Parmeswar hamme swarag me aur dhartie par sab saktie deis hai. Ohi se toelog dja aur doenia ke sab djaaties ke hamaar tjela banaaw. Oesabke dopoe kar Pieta Parmeswar ke, okar Beta ke aur pawietr Aatma ke naam me. Aur oesabke har ek baat siekhaaw djaun ham toelogke hoekoem deilie hai kare ke.

Aur soen, ham djoeg ke ant talak toelogke saath rahab. Ie baat kabhie na bhoelaihe!

Ekare baad Jiesoe oeppar swarag me gail. Aur oe bolies hai kie ek dien oe lautke aaiga manai logan ke oeppar faisala kare ...


Okar tjela log Jeroesaalem me rahie gail aur praatna karat raha. Tab ek dien pawietr Aatma oelogke oeppar barsaawal gail. Parmeswar ke Aatma Jiesoe ke tjalaawat raha aur ab bheie okar tjela log ke diel me rahie gail. Oesab naawa rakam manai bhail aur Jiesoe ke biese me hausielia se bataawe lagal.

Parmeswar Jiesoe ke djie oethaais hai. Oe maut ke bandhan toeries hai. Tab Jiesoe pahiela iensaan ghat okar biesaal soekh me bhiettar gail.



Tjaahe doesman log kausies karat raha tjela log ke rokaawe ke, tabbo oesab sagaro gail partjaar kare.

Jiesoe Parmeswar ke Beta hai!



Koetjh manai ie sab baat tjiethie me liekhke tjaaro or pathaais.

'Ham khoes khabar bataawe ke na sarmaaila. Dje ie baat bieswaas kare hai, oe Parmeswar ke saktie dwaara paap me se batj djaai.' Khoes khabar Jiesoe ke biese me doenia bhar me ailaan karal gail hai.



Ab Jiesoe ke bieswaasie log sagaro ekattha howat rahe hai Parmeswar ke poestak parhe aur praatna kare khaatien. Oelog bret aur wien apane me baate hai jaad kare khaatien kie Jiesoe oelogke darie par maral. Parmeswar maange hai kie oelog sab koi ke diel bhar se prem kare hai.

Prabhoe Jiesoe ke kaam dwaara
Parmeswar ke matlab iensaan
khaatien poera hoi sakie.



Oke Jiesoe ke prem khaatien
dhanbaad kariehe aur okar
poedja kariehe.

Parmeswar doenia ke etnana pjaar
karies kie oe aapan ekahe Beta deis,
djeme har ek djaun okare me bieswaas
kare hai, oe Parmeswar se na alag
karal djaai, bakie hardam khaatien
okare sanghe rahe.



Parmeswar ke poestak

Jiesoe ke kaahaanie Parmeswar ke poestak me liekhal hai aur doenia bhar me manai logan ie baat parhe hai. Eman dher poestak aur tjetthie hai. Pahiela poestak se aakhrie waala talak pandra sau (1500) baries biet gail hai. Lagbhag onnaais sau (1900) baries ke baad sab poestak liekhal gail raha. Eman hamlog parh sakiela kaise Parmeswar iensaan logan ke sanghat kare hai. Prabhoe Jiesoe ke kaahaanie ke dwaara hamlog siekh sakiela kie Parmeswar Ke hai.


JIESOE ke kaahaanie

Tjaaro manai Jiesoe ke kaahaanie ek ek poestak me liekhal hai, aur ie sab Parmeswar ke poestak me hai. Har ek poestak liekhal waala ke naam se bolaawal dja hai. Oesab Jiesoe ke tem me rahat raha.

1. Mateas Jiesoe ke ek tjela ghat okar sanghe tjalat raha. Pahiele oe djoetie ke paisa bharwaawe waala raha. Oe liekhies kaise Jiesoe Israël ke aadmie ghat aapan djaatие log ke sanghe rahat raha.

2. Markas naudjawaan raha djab Jiesoe Israël des me partjaar karat raha. Oe liekhies Jiesoe ke atjambho kaam ke biese me.

3. Loekaas daaktar raha. Oe Prabhoe Jiesoe ke kabhie na bhet karies raha. Oe liekhies kaise Jiesoe manai log ke sanghat karies.



4. Johaanas bie Jiesoe ke pahiela baara tjela me ke raha. Okar kaahaanie me oe dekhaawat raha kie Jiesoe Parmeswar hai aur iensaan hoi gail hai ekwa iensaan logan ke paap me se batjaawe khaatiен.

JIESOE ke paidaais


Jiesoe ke maai Maria raha. Okar biaah howe se pahiele oe kania raha, tabbo Parmeswar ke bhalaaai dwaara oke larka howat. Dher dien pahiele Parmeswar ke sanesian ie atjambho kaam ke biese me liekhies raha. Jiesoe na bahaadoer ghat paida bhail, bakie bhola-bhaala battja ghat. Okar maai oke kapra me lapetke ekgo tjaharie me dhar deis. Oesab khaatien doesar djagaha na raha.

JIESOE ke atjambho kaam

Parmeswar ke poestak me tjaalies (40) se djaada daafe liekhal hai kaise Jiesoe bemarian ke attjha karies. Aisane oe dekhaawat raha kie Parmeswar ke ketana saktie hai, aur bheie kie oe aail hai manai logan ke sahaaita kare aur soekh dewe.



JIESOE ke maut aur djie oethna



Prabhoe Jiesoe kaahe khaatien mare ke paral? Ie baat Parmeswar ke poestak me samdjhaawal dja hai.

Sab koi kabhie kabhie kharaabie kare hai. Ie paap hai aur Parmeswar ke na attjha lage hai. Tab oe oedaas howe hai aur goessa hai. Hamlogke paap dwaara hamlog Parmeswar ke sanghatian na rahie sakiela.

Otie khaatien Prabhoe Jiesoe doenia me aail. Oe iensaan logan ke paap ke sadja apane oeppar lei leis. Ie maut ke sadja raha. Jiesoe ke maut dwaara manai log Parmeswar se ek hoi sake hai. Pahiele hamlogke tjaahie aapan paap pastaawe ke.

Jiesoe maut me se djie oethyla hai. Parmeswar oke djie oethaais. Aisane dekha hai kie oe maut se djaada saktie hai.

Ab Jiesoe Pieta Parmeswar ke sanghe rahe hai. Oe djienda hai, otie se oe hardam hamlogke sanghatia hoi sake hai. Oe maange hai hamlogke sahaaita kare hamlogke djiewan bietaawe ke djaise Parmeswar ke attjha lage hai.

Praatna

Ka, toe maange hai Parmeswar ke sanghatia howe? Toe aapan sab kharaabie pasta hai? Tab toe ie baat praatna kar sakiehe kie:

"He Pieta Parmeswar, aap hamme tjaahie hai.

Aap aapan ekahe Beta deilo hai.

Ham bieswaas kariela kie oe hamaar darie par kroes par maral hamaar sab paap khaatien.

Ham aapan kharaabie pastaaila. Hamme tjhama kar deiho.

Ham aapke dhanbaad deila kie Prabhoe Jiesoe hamaar khaatien sadja paai tjoekal hai.

Ham maangiela aapke sanghat kare.

Hamme sahaaita karieho hamaar djiewan bietaawe ke djaise aapke attjha lage hai.

Hamme na tjhori deiho.

Bahoet dhanbaad kie aap aapan waada

poera kare hai aur hamaar praatna soene hai."

JIESOE aur toe

Jiesoe ke kaahaanie abbe na don hoi gail.
Oe dher manai log ke sanghatia hoi gail
hai. Na khaalie dher dien ke baad, bakie
aadj talak. Doenia badal gail hai.

Aadj ke dien hamlog gadaha aur ghora
par na hia se hoewa djaaila, bakie motor
gaarie aur hawaai djahaadj me. Ie Jiesoe
ke koetjh na hai.

Oe hamlogke nagietj rahie sake hai djaise
pahiele djab oe dhartie par rahat raha.
Tjaahe hamlog oke na dekh paaila, tabbo
oe hamlogke sanghe hai. Oe maange hai
tor sanghatia howe. Tab toe aapan diel
me okar aawaadj soeniehe aur oke pjaar
kariehe.



Text and illustrations: Willem de Vink.

Copyright © 1993 Stichting Wereldtaal, Houten, The Netherlands. Published in Dutch as "Jezus Messias".

Edition in Sarnami Hindoestani© 2013

Digital copyright under the terms of the Creative commons BY-SA licence

All rights of translation, reproduction and adaptation reserved for all countries.

ISBN 978-90-73150-00-3

*Worldwide co-edition organised and produced by: Wycliffe Netherlands
address: Postbus 150, 3970 AD Driebergen, The Netherlands, +31(343)517444,
www.wycliffe.nl, e-mail: picturebook @wycliffe.nl*

Djab toe maange hai Jiesoe ke biese me
auro djaane aur kaise toe aapan djiewan
okar sanghe bietaai sakiehe, tab:

1. Toke tjaahie Parmeswar ke poestak
parhe ke.

Sait toe soeroe kar sakiehe "Khoes
khabar djaise Loekaas liekhies hai" parhe
ke.

2. Toke tjaahie rodj Parmeswar se batiaai
ke.

Tor sab sotj-bietjaar ose bataaw. Ie
praatna hai.

3. Toke tjaahie doesar iesaai log se
Jiesoe ke aur Parmeswar ke poestak ke
biese me batiaai ke. Oke attjha lage hai
djab okar bieswaasie logan apane me
bhett kare aur sahaaita kare oke auro
thiek se djaane.



Ie Jiesoe Masieh ke kaahaanie hai aur ie baat sattje ke bhail hai. Oe lagbhag doe hadjaar (2000) baries ke baad Israel des me rahat raha. Sab koi oke dekhke atjambho hoi gail. Koi na karies raha djaun oe karat raha. Koi na bolies raha djaun baat oe bolat raha. Aur dje dje okar baat apana lewat raha, oe bahoet khoesie bhail.

Bakie ek dien okar kaam rokaawal gail. Okar doesman log oke maar dhaaries. Tabbo okar kaam na don raha! Toe parh sake hai ka bhail aur kaise Jiesoe Masieh ke kaam baarambaar ab talak aage barhe hai. Ie poestak tjhappan (56) se djaada bhaasa me liekhal gail hai.

language: Sarnami Hindustani (Suriname)

ISBN: 978-90-73150-00-3